



Officium Defunctorum.

Dicitur extra tempus Paschale prima cujusque mensis die, non impedita Festo ix. Lect., alioquin alia sequenti die similiter non impedita. In Quadrag. Feria ij. cujuslibet Hebd. similiter non impedita, praeterquam in majori Hebd. In Choro dic. post Offic. diei, id est, Vesperae post Vesperas, et Matutin. post Laudes diei, nisi alia sit consuetudo Ecclesiar. : extra Chorum vero pro opportunitate temporis.

AD VESPERAS.

Absolute incipitur ab Aña. Placébo Dómino * in regione vivórum.

Psalmus cxi.

Dillexi, quóniam exáudiet Dóminus * vocem oratiónis meae.

Quia inclinávit aurem suam mihi : * et in diébus meis invocábo.

Circumdedérunt me dolóres mortis : * et pericula inférni invenérunt me.

Tribulatiónem et dolórem invéni : * et nomen Dómini invocávi.

O Dómine líbera ánimam meam : * miséricors Dóminus, et justus, et Deus noster miserétur.

Custódiens párvulos Dóminus : * humiliátus sum, et liberávit me.

Convértere ánima mea in réquiem tuam : * quia Dóminus benefecit tibi.

Quia erípuit ánimam meam de morte : * óculos meos a lácrymis, pedes meos a lapsu.

Placébo Dómino * in regione vivórum.

In fine omnium Psalmorum dicitur.

Réquiem aetérnam * dona eis Dómine.

Et lux perpétua * luceat eis.

Aña. Placébo Dómino in regione vivórum.

Aña. Hei mihi Dómine, * quia incolátus meus prolongátus est.

Psalmus cxix.

AD Dóminum cum tribulárer clamávi : * et exaudivit me.

Dómine líbera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum íncola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Réquiem aetérnam.

Aña. Hei mihi Dómine, quia incolátus meus prolongátus est.

Aña. Dóminus custódit te * ab omni malo : custódiat ánimam tuam Dóminus.

Psalmus cxi.

Levávi óculos meos in montes, * unde véniet auxiliúm mihi.

Auxiliúm meum a Dómino, * qui fecit cœlum et terram.

Non det in commotiónem pedem tuum : * neque dormítet qui custódit te.

Ecce non dormítabit, neque dórmiet, * qui custódit Israel.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum : * ex hoc nunc, et usque in sæculum.

Réquiem aetérnam.

Aña. Dóminus custódit te ab omni malo : custódiat ánimam tuam Dóminus.

Aña. Si iniquitátes * observáveris Dómine, Dómine quis sustinébit?

Psalmus cxix.

DE profúndis clamávi ad te Dómine : * Dóne exáudi vocem meam.

Fiant aures tuæ intendentes, * in vocem deprecatiónis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israel in Dómino.

Quia apud Dóminum misericórdia : * et copiósia apud eum redemptio.

Et ipse rédimet Israel, * ex ómnibus iniquitatibus ejus.

Réquiem ætérnam.

Añã. Si iniquitates observáveris Dómine, Dómine quis sustinébit?

Añã. Opera * mánuum tuárum Dómine ne despicias.

Psalmus cxxvij.

Confitebor tibi Dómine in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitebor nómini tuo.

Super misericórdia tua, et veritate tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi Dómine omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília respicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit dextera tua.

Dóminus retríbuet pro me : * Dómine misericórdia tua in sæculum : ópera mánuum tuárum ne despicias.

Réquiem ætérnam.

Añã. Opera mánuum tuárum Dómine ne despicias.

V. Audívi vocem de cælo, dicentem mihi. **R.** Beáti mórtui qui in Dómino moriúntur.

Ad Magnif. Añã. Omne * quod dat mihi Pater, ad me véniet : et eum qui venit ad me, non ejiám foras.

Preces infrascriptæ dicuntur flexis genibus, similiter et ad Laudes.

Pater noster. **secreto.**

V. Et ne nos indúcas in tentatiónem. **R.** Sed libera nos a malo.

Sequens Ps. Lauda ánima. **in Vesperis, similiter Ps.** De profundis. **in fine Laudum, non dicuntur in die obitus seu depositio- nis Defuncti. Alias semper dicuntur.**

Psalmus cxlv.

Lauda ánima mea Dóminum, laudábo Dóminum in vita mea : * psallam Deo meo quám diu fuero.

Nolíte confidere in princípibus : * in filiis hóminum, in quibus non est salus.

Exíbit spíritus ejus, et revertétur in terram suam : * in illa die peribunt omnes cogitatiónes eórum.

Beátus, cujus Deus Jacob adjútor ejus, spes ejus in Dómino Deo ipsíus : * qui fecit cælum et terram, mare, et ómnia, quæ in eis sunt.

Qui custódit veritátem in sæculum, facit iudicium injúriam paténtibus : * quod dat escam esuriéntibus.

Dóminus solvit compeditos : * Dóminus illúminat cæcos.

Dóminus érigit elisos, * Dóminus diligit justos.

Dóminus custódit ádvenas, pupíllum et víduam suscipiet : * et vias peccatórum dispédet.

Regnábit Dóminus in sæcula, Deus tuus Sion, * in generatiónem et generatiónem.

Réquiem ætérnam.

Deinde V. A porta ínferi. **R.** Erue Dómine ánimas eórum.

V. Requiéscant in pace.

R. Amen.

V. Dómine exáudi.

V. Dóminus vobíscum.

Oratio.

Deus, qui inter apostólicos sacerdótes, fámulos tuos pontificáli, seu sacerdotáli fecísti dignitate vigére : præsta quæsumus, ut eórum quoque perpétuo aggregéntur consórtio.

Deus, vénia largítor, et humánae salutis amátor : quæsumus cleméntiam tuam, ut nostræ congregatiónis fratres, propínquos, et benefactóres, qui ex hoc sæculo transiérunt, beáta María semper Vírgine intercedente cum ómnibus Sanctis tuis, ad perpétuæ beatitudinis consórtium pervenire concédas.

Fidélium Deus ómnium Cónditor et Redemptor, animábus famulórum famulárumque tuárum remissiónem cunctórum tríbe peccatórum :

ut indulgentiam, quam semper optaverunt, piis supplicationibus consequantur. Qui vivis et regnas in secula seculorum. *R.* Amen.

In die depositionis Defuncti. *Oratio.*

Absolve, quaesumus Domine, animam famuli tui *N.* ut defunctus saeculo tibi vivat: et quae per fragilitatem carnis humana conversatione commisit, tu venia misericordissimae pietatis absterge. Per Dominum.

Si fuerit femina, dicatur animam famulae tuae N. ut defuncta.

In anniversario die.

Oratio.

Deus indulgentiarum Domine: da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dominum.

Si pro uno tantum fit Anniversarium, dicatur singulari numero.

Pro uno Episcopo defuncto Oratio.

Deus, qui inter apostolicos sacerdotes famulum tuum *N.* pontificali

fecisti dignitate vigere: praesta quaesumus, ut eorum quoque perpetuo aggregetur consortio. Per Dominum.

Si fuerit Sacerdos, dicatur sacerdotali fecisti. etc.

Pro fratribus vero et familiaribus, vel benefactoribus, dicitur Oratio. Deus veniae largitor. *ut supra.*

Pro patre et matre.

Oratio.

Deus, qui nos patrem et matrem honorare praecipisti: miserere clementer animabus patris et matris meae, eorumque peccata dimitte: meque eos in aeternae claritatis gaudio fac videre. Per Dominum.

Si fit pro pluribus, dicatur animabus parentum nostrorum. et ubi dicitur meque, dicatur nosque.

Si pro patre tantum, dicatur animabus patris mei, vel nostri.

Si pro matre tantum, dicatur animabus matris meae, vel nostrae.

Pro uno Defuncto.

Oratio.

Incлина Domine aurem tuam ad preces nostras, quibus misericordiam tuam supplices deprecamur: ut animam fa-

muli tui, quam de hoc saeculo migrare jussisti, in pacis ac lucis regione constituas, et Sanctorum tuorum iubeas esse consortem. Per Dominum nostrum.

Pro una Defuncta.

Oratio.

Quaesumus Domine, pro tua pietate miserere animae famulae tuae: et a contagiis mortalitatis exutam, in aeternae salvationis partem restitue. Per Dominum.

V. Requiem aeternam dona eis Domine. *R.* Et lux perpetua luceat eis.

V. Requiescant in pace. *R.* Amen.

AD MATUTINUM.

Invitat. Regem, cui omnia vivunt, * Venite adoremus.

Repetitur. Regem, cui omnia vivunt, venite adoremus.

Psalmus xciv.



Enite, exsultemus Domino, jubilemus Deo salutari nostro: praecipue in confessione, et in psalmis jubilemus ei.

Regem, cui omnia vivunt, venite adoremus.

Quoniam Deus magnus

Dominus, et Rex magnus super omnes deos: quoniam non repellet Dominus plebem suam, quia in manu ejus sunt omnes fines terrae, et altitudines montium ipse conspicit.

Venite adoremus.

Quoniam ipsius est mare, et ipse fecit illud, et aridam fundaverunt manus ejus: venite adoremus, et procidamus ante Deum: ploramus coram Domino, qui fecit nos, quia ipse est Dominus Deus noster: nos autem populus ejus, et oves pascuae ejus.

Regem, cui omnia vivunt, venite adoremus.

Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt et viderunt opera mea.

Venite adoremus.

Quadraginta annis proximus fui generationi huic, et dixi: Semper hi errant corde: ipsi vero non cognoverunt vias meas, quibus juravi in ira mea, si introibunt in requiem meam.

Regem, cui omnia vivunt, venite adoremus.

Réquiem ætérnam dona eis Dómine : et lux perpétua luceat eis.

Veníte adorémus.

Regem, cui ómnia vivunt, veníte adorémus.


Hoc Invitat. dicitur tantum in die depositionis Defuncti, quo die dicuntur tres infrascripti Nocturni, et Añæ duplicantur. Aliis temporibus dicitur tantum unum Nocturnum cum Laudibus, hoc ordine : Feria ij. et v. primum Nocturnum; Feria iij. et vj. secundum Nocturnum; Feria iv. et Sabbato tertium Nocturnum.

In I. Nocturno.

Pro Feria ij. et v.

Añæ. Dirige * Dómine Deus meus in conspéctu tuo viam meam.

Psalmus v.

 Erba mea áuribus pèrcipe Dómine, * intèllige clamórem meum.

Intènde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinum et dolósum abominábitur Dóminus : * ego autem in multítudine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine deduc me in justítia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum : * quóniam tu benedices justo.

Dómine, ut scuto bonæ voluntátis tuæ * coronásti nos.

Réquiem ætérnam.

Añæ. Dirige Dómine Deus meus in conspéctu tuo viam meam.

Añæ. Convértere * Dómine, et éripe ánimam meam : quóniam non est in morte, qui memor sit tui.

Psalmus vij.

Domine, ne in furóre tuo árguas me, * neque in ira tua corripas me.

Miserére mei Dómine quóniam infirmus sum : * sana me Dómine quóniam conturbáta sunt ossa mea.

Et ánima mea turbáta est valde : * sed tu Dómine úsquequo?

Convértere Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno autem quis confitébitur tibi?

Laborávi in gémitu meo, lavábo per singulas noctes lectum meum : * lácrymis meis stratum meum rigábo.

Turbáus est a furóre óculus meus : * inveterávi inter omnes inimicos meos.

Discédite a me omnes qui operámini iniquitátem : * quóniam exáudit Dóminus vocem fletus mei.

Exáudit Dóminus deprecationem meam, * Dóminus oratióem meam suscepit.

Erubéscant, et conturbéntur vehementer omnes inimici mei : * convertántur et erubéscant valde velociter.

Añæ. Convértere Dómine, et éripe ánimam meam : quóniam non est in morte, qui memor sit tui.

Añæ. Nequándo rápiat * ut leo ánimam meam, dum non est qui rédimat, neque qui salvum fáciat.

Psalmus vij.

Domine Deus meus in te sperávi : * salvum me fac ex ómnibus persequéntibus me, et líbera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine Deus meus si feci istud, * si est iniquitas in má nibus meis :

Si réddidi retribuéntibus mihi mala, * decídam mérito ab inimícis meis inánnis.

Persequátur inimicus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge Dómine in ira tua : * et exaltáre in finibus inimicórum meórum.

Et exsúrge Dómine Deus meus in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me Dómine secúndum justítiam meam, * et secúndum innocéntiam meam super me.

Consumétur nequítia peccatórum, et díriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis, * sagíttas suas ardentibus effécit.

Ecce partúriit injustítiam : * concépit dolórem, et péperit iniquitátem.

Lacum apéruit, et effódit eum : * et incidit in fóveam, quam fecit.

Convertétur dolor ejus in caput ejus : * et in vérticem ipsíus iníquitas ejus descéndet.

Confitebór Dómino secúndum justítiam ejus : * et psallam nómini Dómini altíssimi.

Aña. Nequándo rápiat ut leo ánimam meam, dum non est qui rédimat, neque qui salvum fáciat.

V. A porta ínferi. **R.** Erue Dómine ánimas eórum.

Pater noster. totum secreto.

Lectiones leguntur sine Absolut. Bened. et Titulo.

Lectio j. Job. vij. c

Quæ Arce mihi Dómine : nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo, et súbito probas illum : Usquequo non parcis mihi, nec dimíttis me ut glútiám salívam meam? Peccávi, quid

fáciam tibi o custos hóminum? quare posuisti me contrárium tibi, et factus sum mihi metípsi gravis? Cur non tollis peccátum meum, et quare non aufers iniquitátem meam? ecce nunc in púlvere dórmiam : et si mane me quæsieris, non subsístam.

Lectiones terminantur sine Tu autem. vel alia conclusione.

R. Credo quod Redemptor meus vivit : et in novíssimo die de terra surrectúrus sum : * Et in carne mea vidébo Deum Salvatórem meum. **V.** Quem visúrus sum ego ipse, et non álius, et óculi mei conspectúri sunt. — Et in carne.

Lectio ij. Job. x.

Tædet ánimam meam vitæ meæ, dimíttam advérsum me elóquium meum, loquar in amarítudine ánimæ meæ. Dicam Deo : Noli me condemnáre : Indica mihi cur me ita júdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum adjuves? Numquid óculi cárnei tibi sunt : aut sicut videt homo, et tu vidébis? Numquid sicut dies hómi-

nis dies tui, et anni tui sicut humana sunt témpora, ut quæras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere.

R. Qui Lázarum resuscitásti a monuménto fetídum : * Tu eis Dómine dona réquiem, et locum indulgéntiæ. **V.** Qui ventúrus es judicáre vivos et mórtuos, et sæculum per ignem. — Tu.

Lectio iij. Job. x. b

Manus tuæ fecerunt me, et plasmaverunt me totum in circúitu : et sic repénte præcipitas me? Meménto quæso quod sicut lutum féceris me, et in púlverem redúces me. Nonne sicut lac mulsisti me, et sicut cáseum me coagulásti? Pelle et cárnibus vestísti me : óssibus et nervis compegísti me : Vitam et misericórdiam tribuísti mihi, et visitátio tua custodívit spíritum meum.

R. Dómine, quando véneris judicáre terram, ubi me abscondam a vultu iræ tuæ? * Quia peccávi nimis in vita mea. **V.** Commissa mea pavésco, et ante te erubésco : dum véneris

judicáre, noli me condemnáre. — Quia. *V.* Réquiem ætérnam dona eis Dómine : et lux perpétua luceat eis. — Quia.

Postea ad Laudes, ut infra, [258] quando dicitur unum tantum Nocturn.

In II. Nocturno.

Pro Feria iij. et vj.

Añã. In loco páscuæ * ibi me collocávit.

Psalmus cxij.

Dominus regit me, et nihil mihi déerit : * in loco páscuæ ibi me collocávit.

Super aquam refectiónis educávit me : * ánimam meam convértit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculo tuus : * ipsa me consoláta sunt.

Parásti in conspéctu meo mensam, * advérsus eos, qui tríbulant me.

Impinguásti in óleo caput meum : * et calix meus inébrians quam præclárus est!

Et misericórdia tua sub-

sequétur me * ómnibus diébus vitæ meæ.

Et ut inhábitem in domo Dómini, * in longitudínem diérum.

Réquiem ætérnam.

Añã. In loco páscuæ ibi me collocávit.

Añã. Delicta * juventútis meæ, et ignorántias meas ne memíneris Dómine.

Psalmus cxix.

Ad te Dómine levávi ánimam meam : * Deus meus in te confido, non erubéscam.

Neque irrideant me inimíci mei : * etenim univérsi, qui sústinent te, non confundéntur.

Confundántur omnes iniqua agéntes supervácue.

Vias tuas Dómine demónstra mihi : * et sémitas tuas édoce me.

Dírige me in veritate tua, et doce me : * quia tu es Deus salvátor meus, et te sustínui tota die.

Reminiscere miseratiónum tuárum Dómine, * et misericordiárum tuárum, quæ a sæculo sunt.

Delicta juventútis meæ, * et ignorántias meas ne memíneris.

Secúndum misericórdiam tuam meménto mei

tu : * propter bonitátem tuam Dómine.

Dulcis et rectus Dóminus : * propter hoc legem dabit delinquentibus in via.

Díriget mansuétos in iudicio : * docebit mites vias suas.

Univérsæ viæ Dómini, misericórdia et véritas, * requiréntibus testaméntum ejus et testimónia ejus.

Propter nomen tuum Dómine propitiáberis peccáto meo : * multum est enim.

Quis est homo qui timet Dóminum? * legem státuit ei in via, quam elégit.

Anima ejus in bonis demorábitur : * et semen ejus hereditábit terram.

Firmaméntum est Dóminus timéntibus eum : * et testaméntum ipsius ut manifestétur illis.

Oculi mei semper ad Dóminum : * quóniam ipse evéllit de láqueo pedes meos.

Réspice in me, et miserére mei : * quia únicus et pauper sum ego.

Tribulatiónes cordis mei multiplicátæ sunt : * de necessitatibus meis érue me.

Vide humilitátem meam,

et labórem meum : * et mitte univérsa delicta mea.

Réspice inimícos meos quóniam multiplicáti sunt, * et ódio iníquo odérunt me.

Custódi ánimam meam, et érue me : * non erubéscam quóniam sperávi in te.

Innocéntes et recti adhæserunt mihi : * quia sustínui te.

Líbera Deus Israel, * ex ómnibus tribulatióibus suis.

Réquiem ætérnam.

Añã. Delicta juventútis meæ, et ignorántias meas ne memíneris Dómine.

Añã. Credo vidére * bona Dómini in terra vivéntium.

Psalmus cxvj.

Dominus illuminátió mea, et salus mea, * quem timébo?

Dóminus protectór vitæ meæ, * a quo trepidábo?

Dum apprópíant super me nocéntes, * ut edant carnes meas.

Qui tríbulant me inimíci mei, * ipsi infirmáti sunt et ceciderunt.

Si consistant advérsus me castra, * non timébit cor meum.

Si exsurgat adversum me proelium, * in hoc ego sperabo.

Unam petii a Domino, hanc requiram, * ut inhabitem in domo Domini omnibus diebus vite mee :

Ut videam voluptatem Domini, * et visitem templum eius.

Quoniam abscondit me in tabernaculo suo : * in die malorum protexit me in abscondito tabernaculi sui.

In petra exaltavit me : * et nunc exaltavit caput meum super inimicos meos.

Circuivi, et immolavi in tabernaculo eius hostiam vociferationis : * cantabo, et psalmum dicam Domino.

Exaudi Domine vocem meam, qua clamavi ad te : * miserere mei, et exaudi me.

Tibi dixit cor meum, exquisivit te facies mea : * faciem tuam Domine requiram.

Ne avertas faciem tuam a me : * ne declines in ira a servo tuo.

Adjutor meus esto : * ne derelinquas me, neque despicias me Deus salutaris meus.

Quoniam pater meus, et mater mea dereliquerunt me : * Dominus autem assumpsit me.

Legem pone mihi Domine in via tua : * et dirige me in semitam rectam propter inimicos meos.

Ne tradideris me in animas tribulantium me : * quoniam insurrexerunt in me testes iniqui, et mentita est iniquitas sibi.

Credo videre bona Domini * in terra viventium.

Exspecta Dominum, viriliter age : * et confortetur cor tuum, et sustine Dominum.

Requiem aeternam.

Añã. Credo videre bona Domini in terra viventium.

℣. Collocet eos Dominus cum principibus. **℟.** Cum principibus populi sui.

Pater noster. **totum secreto.**

Lectio iv. Job. xiiij. d

Responde mihi : quantas habeo iniquitates et peccata, scelera mea et delicta ostende mihi. Cur faciem tuam abscondis, et arbitraris me inimicum tuum? Contra folium, quod vento rapitur, ostendis potentiam tuam, et stipulam

siccam persequeris : Scribis enim contra me amaritudines, et consumere me vis peccatis adolescentie mee. Posuisti in nervo pedem meum, et observasti omnes semitas meas, et vestigia pedum meorum considerasti. Qui quasi putredo consumendus sum, et quasi vestimentum, quod comeditur a tineam.

℟. Memento mei Deus, quia ventus est vita mea, * Nec aspiciat me vis hominis. **℣.** De profundis clamavi ad te Domine, Domine exaudi vocem meam. — Nec aspiciat.

Lectio v. Job. xiv.

Homo natus de muliere, brevi vivens tempore, repletur multis miseriis. Qui quasi flos egreditur et conteritur, et fugit velut umbra, et nunquam in eodem statu permanet. Et dignum ducis super hujusmodi aperire oculos tuos, et adducere eum tecum in iudicium? Quis potest facere mundum de immundo conceptum semine? Breves dies hominis sunt, numerus mensium eius apud te est : constituisti terminos eius, qui præteriri non poterunt.

Recede paululum ab eo, ut quiescat, donec optata veniat, sicut mercenarii dies ejus.

℟. Hei mihi Domine, quia peccavi nimis in vita mea : Quid faciam miser? ubi fugiam, nisi ad te Deus meus? * Miserere mei, dum veneris in novissimo die. **℣.** Anima mea turbata est valde, sed tu Domine succurre ei. — Miserere.

Lectio vi. Job. xiv. c

Quis mihi hoc tribuat, ut in inferno protegas me, et abscondas me, donec transeat furor tuus, et constituas mihi tempus, in quo recorderis mei? Putasne mortuus homo rursus vivat? Cunctis diebus, quibus nunc milito, exspecto donec veniat immutatio mea. Vocabis me, et ego respondebo tibi : operi manuum tuarum porriges dexteram. Tu quidem gressus meos dinumerasti, sed parce peccatis meis.

℟. Ne recorderis peccata mea Domine, * Dum veneris iudicare sæculum per ignem. **℣.** Dirige Domine Deus meus in conspectu tuo viam meam. — Dum.

℣. Requiem aeternam. Dum.